

ՀԱՅԿԱԿԱՆ ՍՍՌԻ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ՀՐԱՏԱՐԱԿԶՈՒԹՅՈՒՆՈՒՄ

Վերջերս ՀՍՍՌ Գիտությունների Ակադեմիայի հրատարակությամբ լույս տեսավ հայ պատմագրության աչքի ընկնող ներկայացուցիչներից մեկի՝ պրոֆեսոր Լեոյի «Հայոց պատմության» երրորդ հատորը: Այս աշխատությունն ընդգրկում է հայ ժողովրդի 16—18-րդ դարերի սոցիալ-տնտեսական, քաղաքական և կուլտուրական կյանքի պատմությունը: Այս հատորը դրելիս Լեոն օգտագործել է ընդարձակ գրականություն, ձեռագրեր, արխիվային նյութեր, մեծ մասամբ սկզբնաղբյուրներ, մի հանդամանք, որը պիրքը դարձնում է խիստ արժեքավոր աշխատություն:

Գրքի վերջում կա հատուկ անունների ընդարձակ ցանկ: Գիրքը տպագրված ու կազմված է խնամքով: Հատորը խմբագրել են ընկ. ընկ. Մ. Ներսիսյանը և Բ. Հարությունյանը: Նույն հրատարակությամբ լույս են տեսել ՀՍՍՌ Գիտությունների Ակադեմիայի իսկական անդամ Վ. Համբարձումյանի «Տիեզերքի կառուցվածքը», պրոֆեսոր-դոկտոր Ե. Տեր-Մինասյանի «Ոսկեդարի հայ գրականությունը», Մ. Զալախյանի «Կ. Ա. Տիմիրյազովը որպես դարվինիստի մարտիկ», Սալոմե Արեշյանի «Ռուս գրողները Հայաստանի մասին», Գուրգեն Սեվակի «Հայոց լեզվի զարգացման սովետական փուլը»:

Մասնաւոր տակ են և շուտով լույս կտեսնեն Մ. Արեգյանի «Հայոց հին դրականության պատմության» երկրորդ հատորը, Գ. Լևոնյանի «Հայ գիրքը և տպագրության արվեստը», Լ. Հովհաննիսյանի «Հայ բժշկության պատմության» երկրորդ հատորը, Ն. Տոկարսկու «Հին Հայաստանի ճարտարապետությունը», Պիոտրովսկու «Հայ ժողովրդի ծագման մասին» և այլն: